

Ulloq / Dato : 14.02.2012.  
Brev nr. : 950156  
Journal nr. : 74.00  
Sull. / Sagsbeh. : ASH  
Dir. tlf.: 367204  
Mail:ansh@sermersooq.gl

**Aatsitassanut Ikummatissanullu  
Pisortaqaarfimmu**  
Postboks 930  
3900 Nuuk

"London Mining Greenland A/S-ip misissuinissamut akuersissutaata 2009/16-ip (ISUA) ataani 2012-mi suliat akuerineqarnissaat pillugu qinnuteqaammut tunngatillugu tamanut ammasumik tusarniaaneq" Kommuneqarfik Sermersuup ulloq 12. januar 2012 tiguaa. Tusarniaanermi piffissaliunneqarpoq 7. marts 2012.

Kommuneqarfik Sermersooq (KS) imatut oqaaseqaatissaqarpoq:

### Inuussutissarsiutit

Ilaatigut "Early Work Construction Schedule" naapertorlugu "tammaarsimaarfinnut" pingasunut taaneqartunut, aqquisinernut aamma ikaartarfinnut pilersinneqartussanut atatillugu sulinissaq martsip qaammataata aallartinnerani aallartarneqarnissaat KS-ip tupigusuutigaa. Suliat taakku aallartinnissaannut tunngatillugu tusarniaaneq aatsaat 7. martsimi naammassineqartussamut ataqatigiissikkaanni.

Suliarinissaanit takuneqarsinnaavoq suliarinnittussarsiuussinerup unammissutiginera tunngavigalugu sulineq Kalaallit Nunaanni pilersuisunit suliffeqarfinnillu ingerlanneqassasoq naatsorsuutigineqarpoq. Martsip aallartinnerani sulineq ingerlanneqassasoq London Miningimit ilimagineqarpat KS-ip ilimagaa London Miningip suliarinnittussarsiuussinermi atortussat siusinnerusukkut nassiunneqarsimasut maannakkut nutarterneqarsimasut siunissamilu suliaasaasinnasut pillugit sumiiffimmi pilersuisussat

Kommuneqarfik Sermersooq  
Postboks 1005  
3900 Nuuk  
Grønland

GER-nr. 31290937  
Bankkonto 6471-1000052  
PBS-kreditor nr. 01938681

Tlf. 34 70 00  
Fax 32 41 87

post@sermersooq.gl.  
www.sermersooq.gl

### Ammasarfiit

Ataas. - pinga.	10 – 15
Sisamanngorneq	12 – 17
Tallimannngorneq	10 – 12

### Ábningstider

Mandag - onsdag	10 – 15
Torsdag	12 – 17
Fredag	10 – 12

ilisimatissimassagai, taakku taamaalillutik suliassanut neqerooruteqarnissamut piareersarnissaminnut piviusorsioortumik periarfissaqartinneqarlutik – suliassat taaneqartut qinnutigineqartut naammassineqarnissaannut akuersissummik tunniussisoqassappat. KS-imit ilisimatitsissutigineqartut malillugit suliarinnittussarsiuussinermi atortussat siusinnerusukkut nassiunneqarsimasut inuussutissarsioortut tungaanniit annertuumik akerlilerneqarput, pilersuisuniit London Miningip qularnaveeqqusiisoqarnermut annertussusiliineq ilaatigut pissutigalugu. Suliffeqarnermi ingerlataqartut suleqatigalugit sumiiffimmi ingerlatseqatigiiffiit suliassanut neqerooruteqarnissamut piviusorsioortumik periarfissaqarnissaannut naammaginartunik piviusorsioortunillu periarfissaqarnissaat qulakkeerneqartariaqarpoq. "Aatsitassanut inatsimmi" § 18 naapertorlugu, suliassat akuerineqassappata, kalaallit sulisinnaasut sapinngisamik annertunerpaamik atorneqarnissaasa qulakkeerneqarnissaannut BMP KS-imit kaammattorneqarpoq.

Nunap tamatuma tutunniarnermut atatillugu pingaaruteqarnera KS-imit erseqqissarneqarusuppoq, sumiiffimmi sunngiffimmi piniartunut aamma inuussutissarsioortut piniartunut. Siunnersuisartunit Orbiconimit suliarineqartumit nalunaarusiamit aamma Avatangiisinut Nukissiornermullu Nuna Tamakkerlugu Centerimiit oqaaseqaatinit takuneqarsinnaavoq tutut annertuumik akornusersorneqartarnissaat naatsorsuutigineqartoq, tutunullu pineqartunut nunap ilaani killeqartumik aamma piffissami killeqartumik. Sanaartorluni sulinermiit akornusersuinerit nunamit suliaqarfiusumiit 4-5 kilimeterinut killeqassasoq naatsorsuutigineqarput, taassuma ilagalugu aqqusineq pilersaarutaasoq aamma tammaarsimaarfiit pilersaarutaasut. Akornusersuinerit killeqartinneqarnissaannut atortussatut siunnersuutigineqartut, tassunga ilaalluni sulisut angallannerisa killilersuiffiginerat aamma "Environmental Officer"-imik atorfinitsitsineq, maleqqissaarneqassasut KS-imit kaammattuutigineqarpoq, pisariaqartutigit sukaterinissaq aamma pisortat misilittakkatigit pissarsisinnaanerit siunertarlugu. KS-imit ilimagineqarpoq "Environmental officer"-ip sulineranut najoqqutassalioortoqassasoq taannalu namminersortutik oqartussani suliffeqarfinnut attuumassuteqartunut nalunaarusioortartussaalluni – nalunaarusiat taakku tiguneqartarnissaat KS-imit noqqaassutigineqarput, tassa taakku kommunimi Aalisarnermut Piniarnermullu siunnersortimut kiisalu kommunimi Pinngortitamut Piujuartitsinerimullu Immikkoortortaqarfimmut naleqarsinnaammata. Pinngortitamik uumasunillu akornusersuinerimut tunngasunik uumassuseqartunik nakkutilliinerup saniatigut nalunaarusiornermi nassaat oqaluttuarisaanermut pingaaruteqarsinnaasut ilanngunneqarnissaat KS-imit kaammattuutigineqarpoq.

KS-imit maluginiarneqarpoq inuiaqatigiinni aningaasaqarnikkut sunniutaasut sumiiffimmi inuussutissarsioortut piniartunut ajortumik sunniuteqartussatut nalilerneqarmata.

Tassunga atatillugu takuneqarsinnaavoq (4.14 Socio-economic Impacts) sulianut atatillugu kalaallit sulisinnaasut aamma kalaallit suliffeqarfii ajunngitsumik iluanaaruteqarsinnaassasut. Taamatut inuiaqatigiinnut pitsaasumik iluanaaruteqarneq, suliat suliarinissaannut sulisut kalaallit aamma kalaallit suliffeqarfiisa qanoq annertutigisumik toqqarneqarinik aalajangerneqartussaasoq, imaaliillaannarluni inuussutissarsiutigalugu piniartunut nuunneqarsinnaanngilaq, tuttunniarnerup akornusersorneqarneranut atatillugu isertitaqarneq ajornerulersinnaammat. Taamaalilluni pingaarnertigut aningaasaqarnikkut naliliineq inuiaqatigiinnut kalaallinut pitsaasumik iluanaaruteqartitsisinnaavoq, inuussutissarsiummulli, tassani ilaasortaasut imaasiillaannarlutik aatsitassarsiornerup iluanut "isertinneqarsinnaanngitsunut" ajortumik kinguneqartitsisinnaanera akuersaarneqarnissaa KS-imit kaammattuutigineqarpoq. Sulianut atatillugu ajortumik sunnuteqarneq utaqqiisaannaagallartuunissaatut nalilerneqarnera KS-mit maluginiarneqarpoq annertuutigullu killilerneqarsinnaalluni, ilaatigut nunap ilaani tamaani immikkoortuni allani inuussutissarsiutigalugu piniartut piniarnerisigut.

Sulianut atatillugu ajornartorsiutinut qulaani taaneqartut tunuliaqutaralugit KNAPK-p tusarniaaffigineqartutut ilaatinneqarsimannginnera KS-imit tupigusuutigineqarpoq.

### **Pinngortitaq piujuartitsinerlu**

#### ***Tuttunut tunngatillugu immikkut***

Isukasiata eqqaani suliassanut akuersissuteqarnissamut qinnutigineqartut piffissami 2012-mi martsimii augustimut ingerlanneqartussatut pilersaarusionsorneqarput. Nuna qinnuteqarfigineqartoq (ilanngussaq 1 takujuk) tuttu piaqqisarfiannut pingaaruteqartumut annertuumik qaleriiffeqarpoq, tamanna Pinngortitaleriffimmi allaaserineqarpoq, takuuk ilanngussaq 2.

Piffissami piaqqiffiusumi tuttu akornusersorneqarnermut assut sunnertiasuupput, naatsorsuutigineqarlunilu tuttu piaqqilersoq ataavartumik akornusersorneqaruni nuna tamanna qimassagaa. Tusarniaanermi atortuni Orbiconimit suliarineqartuni eqqaaneqarpoq suliat pilersaarutaasut eqqaanni 3-5 kilometerit missaannik ungasitsigisumiit tuttu akornusersorneqassasut. Taamaalilluni nunap piaqqisarfiusup ilaa akornusersorneqassaaq.

"Kalaallit Nunaanni aatsitassanit pisunit atortussianut tunngatillugu asimi sulineq nalunaarusiortarnerlu pillugit maleruagassiat" (ikummatissat nunap iluaneersut ilanngunnagit) immikkoortoq 2.03.05 malillugu akornusersuinerit killeqartinneqarnissaat eqqarsaatigineqartariaqarpoq, tassani pineqarluni piffissami 20. majimiit 20. junimut tuttu

piaqqisarfiini sulinerit, tassunga ilanngullugu nuna piaqqisarfiusoq pukkitsumik qulaallugu timmisartumik qulimiguulimillu angallannerit.

Aammattaaq tutut taakkulu angalanerisa akornusersorneri qanoq minnerpaatinneqarnissaanut pilersaarusiortoqarnissaa eqqarsaatigineqartariaqarpoq, tassunga ilanngullugu uumasut ingerlaarfiink pilersitsinerit killilersuinerillu, assersuutigalugu aqqusermi pilersaarutaasumi angallannerup akulikissusiani.

Tamaani tutut Akiani-Maniitsumi tutunut ilaapput, tutut amerlassutsimikkut maannakkut nunami tamaani attanneqarsinnaasutut isigineqarlutik. Suliassani pilersaarutaasuni tutut qularnangitsumik nuna pineqartoq piaqqisarfittut neriniartarfittullu qimassavaat, tuttullu taakku siaruarsimaffianni allani nerisaqarnissamut tunngaviusut taamaaqataanik ajoquserneqarsinnaaneri aarlerinarsisinnaalluni.

### ***Eqalunnut tunngatillugu immikkut***

Tusarniaanermi atortuni eqqaaneqarpoq Kuussuup kuuani aalisagaqarneq pillugu ilisimasanik peqanngitsoq. Nunami tamaani angalasartunik inunnit ilisimasalinnik pissarsisoqarneratigut Kommuneqarfik Sermersooq imatut paasissutissanik ilassutissanik ilapittuisinnaavoq, kuummi tassungalu atasuni tatsini eqaloqartoq. Utaqqiisaagallartumik ikaartarfiliornikkut kingusinnerusukkullu ikaartarfiliortoqarneratigut pilersaarutip eqalunnut sunniuteqarnerata nalilersornissaa eqqarsaatigineqartariaqarpoq.

### ***Pilersitseqqinnermut tunngatillugu immikkut***

DCE-mit tusarniaanermi akissut malillugu aqqusernup pilersaarutaasup toqqaannartumik peerneqartariaqarneranik imaqartumik pilersitseqqinnissamut pilersaaruteqarnissaa eqqarsaatigeqquneqarpoq. Aqqut pilersinneqartoq ukiuni qulikkaani arlalissuarni nunami takuneqarsinnaasussaassaaq, tusarniaanermi atortuni taaneqartutut imaaliallaannarluni naaffigineqartussaananani. Aammattaaq ikaartarfimmuut pilersaarutaasumut betonip toqqaviusup ikaartarfik peerneqarpat peerneqartariaqarnera eqqarsaatigineqartariaqarpoq. Aqqusineq pilersaarutaasoq siunissami ungasinngitsumi allanut atorneqarsinnaappat taassuma peerneqannginnissaanut akuersisoqarsinnaanera eqqarsaatigineqarsinnaavoq.

### **Nalinginnaasut**

Piiaanermut akuersissutip piareersarneranut atatillugu nunami akuersissuteqarfiusumi ingerlatseqatigiiffiup suliaanut nukimmik pissarsiffittut erngup nukingata atorneqarnissaanut ingerlatseqatigiiffimmuut piumasarineqarnissaa pillugu BMP-mut immikkut KS-mit

noqqaassutigineqarpoq, dieseli atorlugu innaallagissiorfiup nukimmik pissarsiffittut  
atorneqarneranut allatut periarfissatut.

Piaanermut akuersissummi nunap allineqarnissaa pillugu London Miningip qinnuteqaataata  
BMP-mit tamanut tusarniaatigineqarnera tusarniaanerullu sivitsorneqarnera KS-imit  
iluarineqarpoq.

*Nuuk u. \_\_\_/\_\_\_-2012*

Inussiarnersumik inuulluaqqusilluta

---

Asii Chemnitz Narup  
Borgmesteri

---

Esmar Bergstrøm  
Siulittaasoq, Inuussutissarsiornermut  
Ataatsimiititaliaq